

畿輔通志卷二百二十

列傳二十八

明五

明

承德府

吳澄

永平府

高德

王俊

溫原

宋宏道

習成

麴祥

李瑛

韓志

祖述

史怡

李樂

萬信

王銳

張文質

趙玉

侯顯

趙勝

陳恕

周斌

許敬

杜謙子源

閻鼎

張泰

蔣盛

齊章

劉鉞

楊祥

鄭已

張廷綱

郝隆

王信

孫祥

蕭顯

李時

才寬

王和子念

周璽

周建

馮清

朱輝

郭鏞

白宏

李宗商

李金

子涵

許莊

高謙

王春

任惠

王翊

朱鑑

李炫

王輔

劉甫

魯鐸

張詩

李彥忠

張文燧

韓廷玉

翟鵬

吳及

王道中

王瀚

廖自顯

王鍵

馬永

張文成

趙得祐

王庚

盧耿麒

閻傑

李充濁

弟充拙
子淪

詹榮

張世忠

韓梅

王溥

高擢

王鎬

蕭富

厲汝進

王好學

祖茂父臣
弟好問
好問子渾然

陳舜

魏琦

齊宗堯

王大用

王允祥

楊騰

劉文煥

劉思誠

韓應庚

祖誠
父廷義

馮時泰

卷二十八

白瑜父鑰

馮斗華子運泰

薛三桂

趙養蔚

趙養冲父濬

韓原善父應箕

石維嶽

郭鞏

劉廷宣

王調元

李國棟

高如嵩

詹廷

倫之楷

張汝賢

邊萬里

馮繼京弟聯京

焦延慶廖汝欽
張國翰

韓原洞兄原濬
弟原性

子鎮

張汝

羅世傑弟坡
圻
塚
楊

爾俊

陸橋

陳靖華

牛星耀

仇耀先

胡承祚

張

學閔

田種玉

李光春

丁應掄

李文燦

胡起鴻

張

劉可足

田福元

田士儁

張鴻鸞

李應陽

張俊

郭重光

張宗仁

張禮

李大敬

張尚義

傅守望

周祚新

胡光奎

蔡國勳

嚴大寬

趙呂鳴雲

房應祥

胡登龍

率教

蔡國勳

趙

卜小峯

梁壯威

石可玩

楊廷棟

楊開泰

馮運隆

楊呈芳

李本實

王際明

程維賢

李友松
高翰轂
譚遂寰

劉泰臨

劉臺山

黃鎮菴

河間府

道同

蘇瓚

吳盛

劉敏

張輔

李玉

張廉

回滿任

榮天祿
李瀛

撒金

李宏

陸渠

王通

耿思恭

倪通

張才

趙剛
劉敬

郭有諒

程信

子敏政

邊永

子鏞

孫憲

黃文

王瑞

左鈺

廖瑄

于欽

張文

于大節

張瑋

張玉

周郁

馬孔惠

戈瑄

馬中錫父偉

朱瓚

馮讓子時雍

李粲父溥 子時

孫博

張泰

李旦

李咨子際可 獻可

郝鑑祖祥

褚環

王濟

鄭宗仁

屈伸

周琰

婁鑑

都勝

李宏

劉端

劉獻

李汝慶

李寵

楊徽

劉剛

沈冬葵

房瑄

廖紀

鄺璠弟珩

敖文瑞

邊億

苑秀

孫緒父振

王注

鄒野漁

侯壽

尙堂

牛鸞

郭聰

王江

及宦

袁淮

王重賢

田鸞

段興

杜蕙

唐理

尙霑

路雲

秦綸

樊深

劉珂

盧琛

閔煦

郭乾

史載德

駱克讓

李懿

陳瓚

王良貴

李汶

周世選

李尙綱

宋諾

田樂

劉元震

弟元霖

馬允登

霍德行

紀賢

徐三畏

余繼登

于連躍

劉光祚

子砥柱

李希白

葉應元

李楨

姪嗣庶

范景文

劉鳳翱

王允長

弟允才

董用威

杜洽

孟兆祥

父尙質章明

子

邊舉

王加祿

于化龍

王業惇

賈太初

弟宏初

劉伯驂

子福清

謝庭瓚

劉允中

子夢獅

孫兆祿

杜益盛

段有成

丁會彬

倪子畿

齊芳

朱璣

多嘉禎

侯振東

李晉福

張自富

周可畏

息隆泰

高夢箕

明

承德府

吳澄興州人洪武末以功累官指揮僉事領燕左護衛靖難兵起隨駕克大甯懷來戰白溝濟南封清平侯卒贈梁國公

諡莊勇

承德府志

永平府

高德撫甯人洪武初累立戰功授副千戶十四年從征雲南金齒衛等處所至奏績十五年進攻阿白寨力戰死之事平

詔封明威將軍都指揮使世襲指揮僉事

永平府志

王俊字用章永平人洪武五年知當塗出俸錢創建縣學不

足則鬻田園以繼之有聲於時

江南通志

溫原樂亭人舉洪武十七年鄉試除監察御史性謹慎舉動不失尺寸上嘉其厚重擢左僉都御史人稱爲溫厚云以疾

乞休

康熙志

宋宏道樂亭人少值元季隱居不仕明興登洪武十八年進士擢監察御史有直聲尋遷河南左參政以老乞歸行李惟後車一乘而琴書半之後起左僉都御史不赴年七十餘卒

永平府志

習成廬龍人洪武中以才擢用官終湖廣按察司僉事

明一統志

趙祥字景德永平人永樂中父亮爲金山衛百戶祥年十四被倭掠國王知爲中國人召侍左右改名元貴遂仕其國有妻子然心未嘗一日忘中國也屢諷王入貢宣德中與使臣偕來上疏言臣夙遭俘掠抱釁痛心流離困頓艱苦萬狀今獲生還中國夫豈由人伏乞賜歸侍養不勝至願天子方懷柔遠人不從其請但許給驛暫歸仍還本國祥抵家獨其母在不能識曰果吾兒則耳陰有赤痣驗之信抱持痛哭未幾

別去至日本啟以帝意國王允之仍令入貢祥乃復申前請
詔許襲職歸養母子相失二十年又有華夷之限竟得遂其

初志聞者異之

明史

李瑛遷安人永樂時知陽穀縣以廉惠著聲民甚德之擢戶

部員外郎陽穀人爲立去思碑於廨署

山東通志

韓志字英氣昌黎人父文從靖難伐北虜樹戰功官大甯都

司指揮僉事志性剛毅寡言笑馳駿引強衆莫能逮年甫弱

冠以父請老卽拜金吾衛世襲指揮使永樂中每扈駕北征

宣德元年從宣宗馳樂安州平庶人高煦以還三年從大將

出塞北生擒一虜五年從征答刺刺安地一虜馳近營志躍

而擒之衆服其英武正統五年調邳州衛邳當南北孔道兵

民多窘乏志撫養士卒時以司馬法練之簡器械葺城隍令

不嚴而肅事不勞而理遠邇稱譽十四年虜大舉入寇京師
戒嚴志入衛陞署都指揮僉事景泰改元從武靖侯駐大同
府虜寇北門外志先突陣大破之天順改元加陞中軍都督
府都督僉事五年逆賊曹欽犯關志與諸將犄角平之進都
督同知掌五軍營忠慎勤勞英宗嘉之時命帶刀侍衛寵遇
日加八年致仕歸老邳衛日事農圃賢士大夫樂與之遊歷
二十餘年卒

畿輔
人物考

祖述昌黎人永樂中由太學生擢嘉定知縣以謹得民累遷

福建布政司右參政

明一
統志

史怡樂亭人永樂中以守城有功授戶部郎中累官江西布

政司左參政

同上

李樂樂亭人永樂中由國子生拜監察御史有直聲遷山東

按察司副使

同上

萬信昌黎人宣德中知開封府守職廉勤夜夢一男子裸身稱冤曰某爲祥符縣民耿羊兒所殺屍埋莊後信驚寤明日至其家果得屍考驗俱服人皆異之久於其官一夕澡畢然燭廳事呼酒獨酌召二子曰強毅可建事功忠孝可通神明我去汝勉爲之言訖遂逝

分省人物考

王銳遷安人正統四年進士知崇明縣擢彰德府政尙嚴察

雍正志

郡中吏民賢不肖及賦則獄訟皆籍識之民終歲不得

與吏交一言每行郡城中民皆閉戶藏遠匿雞犬恐有聲銳

令民臨道屋俱作修廊簷外浚深溝雨潦得洩中道隆立令

水赴溝中行巷口樹柵門有鑰甲夜卽闔門守更者釘板臥

柵門外柵竟夜鳴奸人莫敢入郡地

湧幢小品

吏民畏之如神成

化間巡撫延綏討平土寇陞左副都御史致仕

雍正志

張文質字允中昌黎人正統七年進士授工科給事中遷通

政使累陞禮部尙書重厚有容厯官四十餘年無過舉子忱

成化五年進士官兵部郎中

雍正志

趙玉遷安人正統九年舉人授高唐州知州陞漢中府並著

治績引疾歸家居十年平心率物鄉人推重焉祀鄉賢祠

永平

府志

侯顯昌黎人正統間以孝旌

明史

趙勝字克功遷安人襲職爲永平衛指揮使正統末禦寇西

直門晉都指揮僉事天順初與孫鏜等預奪門功超遷都督

僉事又與鏜擊反者曹欽晉同知字來犯甘肅勝與李杲充

左右參將從白圭西征至固原擊寇卻之憲宗立典鼓勇營

訓練成化改元山西告警拜將軍次雁門寇已退乃還明年
復出延綏禦寇會方納款遂旋師尋典耀武營四年充總兵
官鎮遼東七年召典五軍營已改三千營卽加思蘭犯宣府
詔勝爲將軍統京兵萬人禦之亦以寇遁召還久之晉左都
督加太子太保十九年封昌甯伯後加太保營萬貴妃瑩墮
崖石間死贈侯諡壯敏宏治初孫鑑乞襲爵吏部言勝無功
不當傳世乃授錦衣衛指揮使

同上

陳恕字達道灤州人景泰元年舉人仕至開封府同知嘗於
道中遇數人騶從若貴游者恕曰此巨盜也邏致之果得其
實有神明稱汴河屢決請府發帑羨躬督築塞保全腴田數
百頃九年考滿乞歸吏民泣送者塞途

分省人物考

周斌字國用昌黎人景泰二年進士授御史出巡南畿河南

陝西口諸藩申理冤獄摘伏如神

分省人
物考

天順初御史楊瑄

印馬至河間劾石亨曹吉祥奪民田並列其怙寵專權狀帝遣官按覈而命吏部識瑄名將擢用未幾亨西征還適彗星見斌時官掌道御史偕同僚張鵬盛顯費廣張寬王鑑趙文博彭烈張奎李人儀邵銅鄭冕陶復及御史劉泰魏瀚康驥將劾亨吉祥諸違法事給事中王鉉告亨亨吉祥泣訴帝誣鵬等爲已誅內官張永從子結黨排陷欲爲永復讐明日疏入帝大怒收鵬及瑄御文華殿悉召諸御史擲彈章俾自讀斌且讀且對神色自若至冒功濫職帝詰之曰彼帥將士迎駕朝廷論功行賞何云冒濫斌曰當時迎駕止數百人光祿賜酒饌名數具在今超遷至數千人非冒濫而何帝默然竟下瑄鵬及諸御史於獄榜掠備至詰主使者瑄等無所引乃

坐都御史耿九疇羅綺主謀亦下獄論瑄鵬死餘遣戍亨等
復譖諸言官帝諭吏部給事御史年踰三十者留之餘悉調
外以玘等爲州判官禎等爲知縣會大風震雷拔木發屋大
雨雹亨吉祥家大木俱折二人懼掌欽天監禮部侍郎湯序
本亨黨亦言上天示警宜恤刑獄於是帝感悟戍瑄鵬鐵嶺
衛餘俱貶知縣斌謫江陰有惠政民歌曰旱爲災周公禱之
甘露來水爲患周公禱之陰雨散天順七年以薦陞開封府
厯官廣東右布政使初去江陰民立生祠及自開封遷去民
亦涕泣追送焉

明史

許敬撫甯人景泰三年大饑出粟八百石助賑詔旌其門

撫甯

縣志

杜謙字益之昌黎人登景泰五年進士修寰宇通志詔采事